



Broj: 01/5-50-1-5-27/09
Sarajevo, 22.1. 2009.godine

Na osnovu člana 31. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", broj 33/06, 41/06, 81/06, 91/06 i 91/07), Komisija za saobraćaj i komunikacije Predstavničkog doma Parlamentarne skupštine Bosne i Hercegovine, na 27. sjednici, održanoj 22.1.2009., usvojila je

IZVJEŠTAJ O RADU
KOMISIJE ZA SAOBRAĆAJ I KOMUNIKACIJE
PREDSTAVNIČKOG DOMA
U 2008.GODINI

1. Uvodne napomene

Komisija za saobraćaj i komunikacije Predstavničkog doma Parlamentarne skupštine BiH (u daljnjem tekstu: Komisija) stalno je radno tijelo Predstavničkog doma Parlamentarne skupštine BiH (u daljnjem tekstu: Predstavnički dom), čija je nadležnost određena članom 45. Poslovnika Predstavničkog doma, prema kojem Komisija razmatra pitanja koja se odnose na:

- putne isprave;
- boravak i kretanje stranaca;
- odnose s Interpolom;
- uspostavu i funkcioniranje zajedničkih i međunarodnih komunikacija;
- reguliranje međuentitetskog saobraćaja;
- nadzor zračnog saobraćaja;
- nadzor frekvencija;
- druga pitanja iz oblasti saobraćaja i komunikacija.

Predsjedavajući Komisije je Branko Dokić, prvi zamjenik predsjedavajućeg je Šemsudin Mehmedović, a drugi zamjenik je Slavko Matić. Ostali članovi Komisije su: Sadik Bahtić, Selim Bešlagić, Savo Erić, Husein Nanić, Snježana Rajilić i Mehmed Suljkanović.

Snježana Rajilić je, 7.11.2008., prihvatila mandat načelnika Općine Bosanski Novi - Novi Grad, pa joj je odlukom Centralne izborne komisije BiH prestao mandat u Predstavničkom domu. Predstavnički dom još nije završio postupak imenovanja novog člana Komisije. Sekretar Komisije je Ahmed Jalović.

1.1 Unutrašnja organizacija i procedura

Komisija je aktivnosti zasnivala na Orijentacionom planu rada Predstavničkog doma za 2008.godinu i Planu rada Komisije za 2008.godinu, te obavljala poslove iz svoje nadležnosti u skladu s procedurama utvrđenim Poslovnikom Predstavničkog doma.

Nakon što Komisija dobije određene materijale koji se mogu smatrati tačkom dnevnog reda, predsjedavajući Komisije u saradnji sa sekretarom organizira održavanje sjednice, te utvrđuje prijedlog dnevnog reda.

Poslije obavljene rasprave o tačkama dnevnog reda koje su razmatrane na sjednici, Komisija je većinom glasova usvajala mišljenja i izvještaje, odnosno donosila zaključke, koji su odražavali stav Komisije. Rezultati glasanja o svakoj tački dnevnog reda zapisnički se konstatiraju.

2. Aktivnosti Komisije u izvještajnom periodu

U izvještajnom periodu Komisija je održala 14 sjednica, s ukupno 55 tačaka dnevnog reda, u okviru kojih je usvojila 46 zaključaka.

Na 14. sjednici Komisije, održanoj 4.2.2008., usvojeni su Izvještaj o radu Komisije za 2007. godinu i Orijentacioni radni plan Komisije za 2008.godinu, te je zaključeno da se konačan Plan rada Komisije za 2008.godinu sačini nakon donošenja Plana rada Vijeća ministara BiH za 2008.godinu. Komisija je na 17. sjednici, održanoj 21.5.2008., usvojila Plan rada Komisije za 2008.godinu.

Osim zakonodavnih aktivnosti, potrebno je istaći i razmatranje informacija, izvještaja i drugih akata iz nadležnosti Komisije, kao i aktivnosti koje je Komisija sama inicirala. Prosjek prisustva članova Komisije sjednicama Komisije je 79%, a sjednice su u prosjeku trajale sat i 50 minuta.

Članovi Komisije učestvovali su na nekoliko seminara i drugih sastanaka na poziv određenih domaćih i međunarodnih institucija, kao i na vlastitu inicijativu.

2.1 Zakonodavne aktivnosti

Komisija je u 2008.godini razmatrala sedam prijedloga zakona, i to:

1. Prijedlog zakona o izmjenama i dopunama Zakona o putnim ispravama BiH, predlagač: Vijeće ministara BiH (završena druga komisijska faza–pozitivan izvještaj). Zakon je usvojen i objavljen u "Službenom glasniku BiH", br. 33/08;
2. Prijedlog zakona o izmjenama i dopunama Zakona o osnovama sigurnosti saobraćaja na putevima u BiH, predlagač: Komisija za saobraćaj i komunikacije Predstavničkog doma (završena druga komisijska faza - pozitivno mišljenje). Prijedlog zakona usvojen je u drugom čitanju na 21. sjednici Predstavničkog doma, dok Dom naroda na 15. sjednici nije prihvatio Prijedlog zakona u prvom čitanju;
3. Prijedlog zakona o javnim putevima, predlagač: Vijeće ministara BiH (završena prva komisijska faza–pozitivan izvještaj). Predstavnički dom na 33. sjednici nije prihvatio Prijedlog zakona u prvom čitanju;
4. Prijedlog zakona o Agenciji za razvoj informacionog društva BiH (ZARID), predlagač: Vijeće ministara BiH (završena druga komisijska faza–pozitivan izvještaj). Prijedlog zakona usvojen u prvom čitanju na 35. sjednici Predstavničkog doma;
5. Prijedlog zakona o zrakoplovstvu BiH, predlagač: Vijeće ministara BiH (završena prva komisijska faza – pozitivno mišljenje). Predstavnički dom je na 41. sjednici prihvatio Prijedlog zakona u prvom čitanju;

6. Prijedlog zakona o Agenciji za pružanje usluga u zračnoj plovidbi BiH, predlagač: Vijeće ministara BiH (završena prva komisijska faza – pozitivno mišljenje). Predstavnički dom na 41. sjednici prihvatio Prijedlog zakona u prvom čitanju;
7. Prijedlog zakona o dopuni Zakona o Javnom radiotelevizijskom sistemu BiH, predlagač: Vijeće ministara BiH (završena prva komisijska faza – pozitivno mišljenje). Predstavnički dom na 41. sjednici prihvatio Prijedlog zakona u prvom čitanju.

2.2 Aktivnosti vezane za razmatranje i usvajanje ostalih akata

U 2008. godini Komisija je razmatrala i druge akte koji nisu zakonodavnog karaktera, i to:

1. Izvještaj o radu Državne regulatorne komisije za električnu energiju za 2007.;
2. Zahtjev Radio-televizije Federacije BiH za autentičnim tumačenjem člana 23. Zakona o Javnom radiotelevizijskom sistemu BiH („Sl. glasnik BiH“, br. 78/05);
3. Razmatranje materijala Upravnog odbora Radiotelevizije BiH:
 - a) Stanje i plan konsolidacije poslovanja Radiotelevizije BiH;
 - b) Programski plan razvoja i finansijski plan Radiotelevizije BiH za 2008. godinu.
4. Izvještaj o radu Komisije za raspodjelu CEMT dozvola za 2008. godinu i Izvještaj o raspodjeli CEMT dozvola za 2008. godinu;
5. Razmatranje izvještaja o radu i finansijskog izvještaja Agencije za poštanski saobraćaj BiH za 2007. godinu;
6. Rang-lista kandidata za člana Upravnog odbora Radiotelevizije BiH iz reda ostalih;
7. Informacija Regulatorne agencije za komunikacije BiH u vezi s imenovanjem direktora Regulatorne agencije za komunikacije BiH;
8. Inicijativa za izmjenu Zakona o poštama BiH – podnesena od „Pošte Srpske“ a.d. Banja Luka, „JP BH POŠTA“, d.o.o. Sarajevo i HP Mostar, d.o.o. ;
9. Dopis Ad hoc komisije za pripremu izmjena i dopuna Poslovnika Predstavničkog doma, te prečišćenog teksta Poslovnika, od 9.4.2008. ;
10. Informacija Ministarstva komunikacija i prometa BiH o realizaciji Strategije upravljanja zračnim saobraćajem u BiH;
11. Prijedlog odluke o usvajanju Saobraćajne politike BiH za period od 2008. do 2020. godine, predlagač: Vijeće ministara BiH;
12. Aktuelna situacija u Radioteleviziji BiH i provođenje reforme Javnog radiotelevizijskog sistema u BiH;
13. Dopis Upravnog odbora Radiotelevizije BiH u vezi naknade članovima Upravnog odbora RTVBiH za rad u Upravnom odboru RTVBiH i Upravnom odboru Javnog radiotelevizijskog sistema BiH.

Potrebno je istaći da je materijale koje se odnose na rad Radiotelevizije BiH, Komisija razmatrala na pet sjednica, te da je, osim mišljenja Komisije o tim materijalima, predloženo Predstavničkom domu više zaključaka s ciljem prevazilaženja teškoća u poslovanju Radiotelevizije BiH.

3. Ostale aktivnosti Komisije i radni sastanci

Komisija je, u saradnji s Vijećem za regionalnu saradnju (RCC), organizirala Radionicu za parlamentarce Jugoistočne Evrope o temi: “Podrška parlamentarnim reformama energetskog sektora“, koja je održana 15. decembra 2008. u Sarajevu. Učestvovali su predstavnici parlamentarnih komisija nadležnih za oblast energije, predstavnici Evropske komisije, Evropskog parlamenta, Regionalnog sekretarijata za parlamentarnu saradnju, međunarodnih organizacija i domaćih institucija koja se bave energetikom.

Članovi Komisije su u izvještajnom periodu učestvovali u radu nekoliko konferencija i drugih sastanaka na inicijativu određenih domaćih i međunarodnih institucija, od kojih izdvojamo sljedeće:

1. Učešće članova Komisije na sastanku s predstavnicima Generalne direkcije za informaciono društvo i medije Evropske komisije u vezi s nezavisnošću regulatornih institucija u BiH, održanom 24. aprila 2008. u Sarajevu;
2. Učešće članova Komisije u Projektu IPALMO (Institut Republike Italije za međunarodne odnose) koji ima za cilj modernizaciju i demokratizaciju parlamentarnih institucija u Srbiji, Albaniji, BiH, Crnoj Gori i Makedoniji, koji je održan u Sarajevu, od 5.5.2008. do 9.5.2008.;
3. Učešće prvog zamjenika predsjedavajućeg Komisije na Konferenciji o temi: „Sloboda medija“, održanoj 8.maja 2008. u Sarajevu, u organizaciji OSCE-a;
4. Učešće članova Komisije na Međunarodnoj konferenciji o temi: “Strategija prelaska na digitalno emitiranje u Bosni i Hercegovini“, održanoj 22.maja 2008. u Sarajevu, u organizaciji Foruma o digitalnoj televiziji u BiH;
5. Učešće članova Komisije na Konferenciji “Programski sadržaj u digitalnom emitiranju”, održanoj 26. novembra 2008. Sarajevu;
6. Učešće predsjedavajućeg Komisije na Konferenciji „Prelazak s analogne na digitalnu televiziju“, održanoj od 9. do 11.decembra 2008., u Moskvi.

4. Opća procjena

Na osnovu navedenog, može se zaključiti da je Komisija u domenu zakonodavnih i drugih aktivnosti gotovo u potpunosti realizirala postavljene zadatke.

Komisija je kontinuirano saradivala s Vijećem ministara BiH i resornim Ministarstvom komunikacija i prometa BiH, pa su tako sjednicama Komisije prisustvovali njihovi predstavnici, koji su učestvovali u raspravama o prijedlozima zakona i amandmanima, te drugim aktima koji su razmatrani na sjednicama. Zaključci i preporuke Komisije upućeni Vijeću ministara BiH i Ministarstvu skoro su u potpunosti prihvaćeni i realizirani.

Također je ostvarena i dobra saradnja s Vanjskotrgovinskom komorom BiH, čiji su predstavnici redovno prisustvovali sjednicama Komisije.

Sastavni dio Izvještaja čini tabelarni pregled prisustva članova Komisije sjednicama.

PREDSJEDAVAJUĆI KOMISIJE
dr. Branko Dokić